

瘍醫大全目錄

卷十五

舌部

察舌胎辨證法

舌出不入門主論

附方

舌縮不出門主論

附方

弄舌舒舌門主論

舌瘡門主論

重舌門主論

附方



北京中医药大学图书馆版权所有

木舌門主論

附方

舌脹門主論

附方

舌痺門主論

附方

舌黃門主論

舌菌門主論

舌癰門主論

舌瘡門主論

附方

舌疳門主論

附方

連珠疳門主論



舌衄門主論

附方

白膜裹舌門主論

附方

舌疔門主論

舌上痰核門主論

舌上重膠門主論

附方

舌下痰包門主論

舌斷門主論

附方



瘍醫大全卷十五

蕪湖顧世澄練江氏纂輯

舌部

凡一切舌疽瘡痺皆彙於此部中以便檢閱參治

男  
壘錢之積東陽  
檣燮用和  
全



察舌胎辨證法

舌爲心苗應南方火邪在表則未生胎

邪入裏津液搏結則生胎而滑

胎白者丹田有熱胸中有寒邪在半表半裡也

熱入漸深則燥而澁熱聚於胃矣宜承氣白虎

若熱病口乾舌黑乃腎水刑於心火熱益深而病篤

矣

然有胎黑屬寒者必舌無芒刺口有津液也卽小便之赤白口中之潤燥舌胎之滑澁亦皆因

乎津液之榮枯未足憑以據斷寒熱也故尤宜以

脉之有力無力細辨之總之醫家治病須隨機應

變活潑潑地不可膠執一方不可泥滯一藥不必

以藥治病惟以藥治脉可也古今氣運不同舊方



新病何能符合只可讀其書廣其義考其方得其  
理潛心默究自得其神卽羅氏譬之折舊料而改  
新房務必  
工穩耳

白胎是熱聚丹田寒留胸膈濕氣熏蒸所致  
治宜燥  
濕和中

滑白色者邪未入腑半表半裏也宜和解之熱入漸  
深則燥而澁矣

黃胎者胃腑有邪熱也宜下之

舌上有黑胎生芒刺者其因有二非水來尅火爲寒  
極卽火極似水爲熱極以脉遲數無力有力辨之



一宜大承氣一宜理中湯然十有九死之症也

舌上黑胎生芒刺刮不去易生者死

舌捲囊縮爪甲青黑不知人事面青作搐者肝絕也

舌出不入門主論

岐天師曰人舌吐出不肯收進乃陽火盛強之故錄

竇漢卿曰傷寒舌出寸餘連日不收用梅花冰片五

錢捲舌上卽收全書

張仲景曰傷寒舌出者死



舌出不入門主方

舌出口數寸

冰片爲末敷

人舌吐出不能收進乃陽火盛強之故冰片點過服

黃連

人參

白芍藥各三錢

柴胡

石菖蒲

各一錢

水煎服三劑愈

又方

草麻子爲末裝紙條內燒烟薰之鼻孔有涎流出



即愈

舌縮不出門主論

岐又師曰人舌縮入喉嚨不能語言者乃寒氣結於

胸腹之故

秘錄

澄

曰舌乃心苗氣虛與心脾積熱俱能令人舌短不

僅寒凝胸腹當詳辨之



南京中医药大学图书馆版权所有

舌縮不出門主方

神方

治舌忽縮入喉嚨不能言語乃寒氣結於胸腹

人參

三錢

白朮

五錢

肉桂

乾薑

熟附子

各一錢

水煎服其舌自舒矣

氣虛舌短

人參煎湯服

心脾積熱苦短

湯醫方全

黃連石膏或只用一味或兼用煎湯服

大抵煎湯服

水煎服其

水煎服其



南京中医药大学图书馆版权所有

弄舌舒舌門主論

經曰舌乃心苗又曰心開竅於舌心火亢盛腎陰不能上制所以舌往外舒肝火助焰風主動搖胃熱相煽舌難存放舌如蛇舔左右上下伸縮動搖謂之弄舌當清心胃之火則肝風自息矣

馮曾瞻曰弄舌者是脾藏小熱舌絡微緊時時舒舌治之勿過用涼藥卽有飲水者亦脾虛津液不足耳若於大病之末而弄舌者凶

又曰凡出長而收緩者名曰舒齒露卽收舌乾腫澀

者名曰弄舌

駱潛庵曰舌忽舒長舌忽捲縮舌忽腫滿皆屬風

盛而妨乳食也

宜延壽丹

弄舌舒舌門主方

清胃散

防風

天花粉

黃芩

熟石膏

厚樸

姜製

枳殼

黃連

陳皮

甘草水煎服

又方

以西牛黃一厘塗舌上即止



舌瘖門主論

馮魯瞻曰舌瘖者中風而舌不轉運舌強不能言是也經曰喉嚨者氣之所以上下會厭者聲音之戶舌者聲音之機唇者聲音之扇橫骨者神氣所使主發舌者也然心之本脉系於舌根脾之絡脉系於舌傍肝脉循陰器絡於舌本少陰之脉走喉嚨系舌本是四經之脉皆上於舌邪中其經則痰涎閉其脉道舌不能轉運而爲之瘖矣有喉瘖者勞嗽失音卽喉嚨聲啞是也故喉瘖者喉中之聲嘶

而舌本能言舌瘖者舌本不能言而喉中之聲音  
如故中風而舌瘖者舌與喉俱病而音聲不能發  
於會厭也然有外感內傷之因外感者風寒火熱  
之邪也經曰諸熱暴瘖皆屬於火內傷者心肺腎  
三經致病亦多由痰火壅塞上竅氣血兩虛不能  
上榮則舌機不轉也有腎虛而氣不歸源內奪而  
胞絡內絕不能上接清陽之氣者有元氣不足肺  
無所資者有血衰而心失所養者蓋心爲聲音之  
主肺爲聲音之戶腎爲聲音之根經曰三焦之氣

通於喉嚨氣弱則不能上通矣治者能於根本用力則丹田清陽之氣自能宣揚振作故舌人每以獨參湯地黃飲子取效也然中風不語之症有六有失音不語者有舌強不語者有神昏不語者有口噤不語者有舌縱語澁不語者有舌麻語蹇不語者可不註歟



南京中医药大学图书馆版权所有